

Ruthy Vrieswijk ta lanza compacto 'Mama'

Dedica na Mercedes Bergen-Tromp



Bautismo di e CD 'Mama' di Ruthy Vrieswijk 'Lady Ruth' tabata ayera. Esaki ta un compacto di poemanan cu a wordo graba na Watapana Recording Studio di Radio Kelkboom. E musica di fondo ta di e famoso Juan Chabaya 'Padu' Lampe di e tema 'Pa Ma' interpreta riba piano.

Mayoria poema ta recita pa Lady Ruth mes na idiomaan di Papiamentu, un na Ingles, un na Hulandes y un na Spaño. E madrina ta Veneranda Diaz-Tromp y padrino Luis Tromp, ambos ruman di Mercedes Bergen-Tromp, e mama di Ruthy. A efectua e bautismo dor di strooi un tiki aros y pui di soppi di envelop como simbolo di un dushi cuminda bon cushina, algo cu hopi di nos mamanan sa haci.

Tabatin tres invitado na e CD aki, tres autor cu a aporta

nan propio inspiracion dedica na nan mama. Ta trata aki di Maureen Leenheer Vieira, Mercedes Abdul y Mercedes Beaujon.

Ruthy Vrieswijk ta gradici cooperacion di Watapana Recording Studion, Dina Ras, Emile Kelkboom y Padu del Caribe y su casa Johan cu a haci e produccion aki posibel. E produccion 'Mama' ta obtenibel na Radio Kelkboom y serca Ruthy na telefon 5833343 di celular 9933343.

